




elkarrizketa

Milagros Rubio

• Bardeako tiro eremuaren aurkako asanbladako bozeramailea

Jon Maya

Frankismo garaian hitzartu zen Bardeako tiro eremua erakitzea. Hogeita bost urteko kontratua sinatu zuten orduan, eta garaia amaitu zenean, beste hogeita bost urte luzatu zuten, eta ekainaren 9an amaitzen da hori. Herritarrek, Nafarroako udalek zein alderdi politikoek tiro eremua ixtearen alde egin duten arren, Nafarroako eta Madrilgo gobernuek beste zortzi urtez luzatu dute Bardearen erabilpen militarra.

Milagros Rubiok tiro eremuaren aurkako asanblada sortu zenetik jardun du gogor lanean. Oraindik ere bertan dirau, eta urte hauetan guztietan eginiko lanaz mintzatu gara berarekin—Batzarreko kidea ere bada—. Kontratua luzatzeko erabakia saminduraz bizi izan duen arren, harro dago eginiko lanarekin, eta harro begiratzen die belaunaldi berriei. Aste honetarako, Tuteran, antolatutako jardunaldiak buruz ere mintzatu zaigu.

■ **Noiz sortzen da tiro eremuaren aurkako herri mugimendua?**

Lehenengo azalpenak 1979. urtean hasi ziren. Ordea, Gladys Delestal hil zutenean hasi zen sortzen mugimendurik indartsuena. Hilketak hark jendea piztu zuen, eta tiro eremuaren aurkako ekintzak areagotuz joan ziren. Hasierako aldarrikapena, batez ere, *yankien* kontrakoa zen. 1991. urtean, berriz, estatubatuarrek alde egin zuten—Espainia NATO sartu zenean—, eta ordutik beste herrialde pila bateko hegazkinak etorri dira.

■ **2001. urterako batere ez gertatzea zen zuen leloa.**
Aurtengo ekainaren 9an

Mende erdia igaro da Bardea tiro eremu bezala erabiltzen hasi zirenetik. Herritarren erresistentzia gogorra izan da urteetan, eta tiro eremuaren erabilera ezbaian jarri dute. Hala ere, poligonoak beste zortzi urtez jarraituko du Bardean.



▲ joxe lacalle

Jardunaldiak Tuteran

- **Larunbata 26: Kontzertua.** La Polla, Hechos Contra El Decoro, Buitraker eta Fragile. Elola kiroldegian, 21:30etan.
- **Osteguna 31: Antzerkia.** *Comeme el punto* (Legaleon Taldea). ETI zaharrean, 20:00etan.
- **Ekainaren 1: Mahai ingurua.** *Eta orain zer?* galderari erantzuteko, alderdi politikoetako ordezkariak bilduko dira. RUA gizarte egoitzan, 20:00etan.
- **Ekainaren 2a: Kale animazioa.** Adardunak taldea, txistor jana, txalaparta, graffitiak, sorpresak...
- **Ekainaren 3a: Gladysi omenaldia** eta Aguilaresen elkarretaratzea.

amaitzen da Bardea entsegu militarretarako erabiltzeko kontratua. Beraz, kontratu hau amaitzean, berriro ere ez berritzea zen gure helburua. Atxikimenduak jaso ditugu, udaletan hainbat mozio onartu dira, alderdi politikoek horren alde egin dute—UPNkizan ezik—. Azkenean, beste zortzi urterako berriro dute hitzarmena, eta azken izango dela diote. Orain,

«Tiro eremuak hor jarraitzen duen bitartean hor egongo da jendearen borroka»

guk, eseri eta estrategia berri bat eztabaidatu behar dugu denbora horretarako. Izan ere, tiro eremua hor dagoen bitartean hor egongo da jendearen borroka.

■ **Zein da zuen salaketa nagusia?**

Argi eta garbi, defentsa arazo-ei norbanakoaren eskubideei baino garrantzi gehiago ematea. Hori oso larria da, eta hori bera izan zen Miguel Sanz Nafarroako lehendakariak iazko istripuaren ostean esan zuena, harantz defentsa beste ezer baino garrantzitsuagoa da.

■ **Eguneroko bizimoduan nola igaritzen da tiro eremua hor dagoela?**

Sarritan sumatzen dira dardarak; iaz bi hegazkinak istripua izan zuten herrixka batetik oso gertu... Zarata da gehien antzematen dena, handia dago beti. Pentsa, Bardea bonbak leherraratzeko, tiro probetarako, hegazkinen mugimenduen entseguetarako eta abar erabiltzen dela.

■ **Kontratua berriro izana porrota da asanbladarentzat?**

Samindura sortu digu, baina harro egon gaitezke lorpen batzuk egin ditugulako. Borroka horrengatik izan ez balitz, ziur kontratu berria beste hogeita bost urterako izango zela, Espainiak gure eskualdeari egiten dion alokairu ordaina hirurogeita bost milioitik seihunera igo da, eta gobernuak tentuz jokatzera behartu ditugu.

■ **Zein taldek osatzen duzue orain asanblada?**

Kolektibo bezala jarduten dugu, gizabanakoen batura eginenez, ez taldeena. Hala ere, has-tapenetan asanblada osatu zuten talde eta alderdi politikoek laguntza izaten jarraitzen dugu.

■ **Eta jendea biltzen da aldarrikapen horretara?**

Atxikimenduak pila bat jasotzen ditugu. Eta lanean jarduteko garaian, orain gazte batzuk hasi dira indar handiz lanean. Jardunaldietan, esate baterako, ia guztia beraiek antolatu dute.